



# मस्तयुगु निंतिं बाइबल न्ह्यब्बया

## परमेश्वरं फुक्क चिज दय्कादिल



च्वमि: Edward Hughes

किपा: Byron Unger; Lazarus  
Alastair Paterson

न्ह्यब्ब:म्ह: Bob Davies; Tammy S.

भाय् ह्यूम्ह: Mr. Prem Maharjan

पिकाक: Bible for Children  
[www.M1914.org](http://www.M1914.org)

©2023 Bible for Children, Inc.

अनुमति पौ: थ्व सत्य बाखं सितिकं इना बीत जक थुकिया खं:त कायेफु,  
अले छापय् यायेगु निंतिं अनुमति नं ब्यूगु ख: तर थ्व सफू ध्यबा कया मिइत मखु।


1

झित: सुनां दय्कादिल? परमेश्वर वचन बाइबलय् मनू  
जातिया शुरू गुकथं जुल धका: धयात:गु दु। यक्व न्हापा  
परमेश्वरं मनू दय्कादिल अले वयागु नां आदम तयादिल।  
परमेश्वरं आदमयात बँय्यागु धुलं दय्कादिल। परमेश्वरं  
आदमयाके जीवनया सास: पुयाबी धुंका: व म्वा:म्ह  
जुल। अले वयात अदन  
धा:गु बांला:गु बगैचाय्  
तयादिल।



2

परमेश्वरं आदमयात दय्कादी न्ह्यः तसकं बांलाःगु चिजं जाःगु  
न्ह्याइपुसे च्वंगु संसार दय्कादिल। छगू छगू यानाः परमेश्वरं  
डांडात व माथं वंगु बँ, नस्वावःगु स्वांत व ततःमागु सिमात  
अले थी थी रंगयापिं झंगः पंक्षीत व भुँइ भुँइ हाला ब्वयाः  
जुइपिं हात, लखय् म्हितिपिं ह्यल न्या व खासात  
दय्कादिल।




3

दक्वसिबय् न्हापां, परमेश्वरं छुं नं चिजत  
दय्के न्ह्यः, परमेश्वर बाहेक मेपिं  
सुं नं मदु। सुं मनू, छुं थाय् वा छुं  
चिज नं मदु। सुं नं मदु। तुयु जः  
व खिउंगु मदु। डांडा  
व न्हसिकाप मदु।  
म्हिगः व कन्हय् नं  
मदु। परमेश्वर जक दी  
गुम्हयसिया छुं नं शुरू  
मदु। अनंलि परमेश्वरं ज्या  
यानादिल। दक्वसिबय् न्हापां  
परमेश्वरं आकाश व पृथ्वी सृष्टि यानादिल।




4

अले पृथ्वी बां मलू, अले शून्य।  
न्यंकभनं खिउंसे च्वं।  
परमेश्वरं धयादिल  
- “तुयुगु जः  
दये मा।”




5

अले तुयुगु जः दत। परमेश्वरं जःयात ‘न्हि’ अले  
खिउंयात ‘चा’ धकाः नां तयादिल। चा फुनाः  
सुथ जुल। थुकथं छन्हु जुल।



6

निन्हुया दिनय् परमेश्वरं महासागर, समुद्र तालया लःयात  
आकाशया क्वय् मिलय् यानाः तयादिल। स्वन्हुया दिनय्  
परमेश्वरं धयादिल--“अले गंगु बँ खने दयेमा।” अले अथे  
हे जुल।



7

परमेश्वरं फुकक कथंयागु घाँय्मा, पुसा दइगु अन्नमा व  
थःथःगु कथंयागु पु दइगु सिमा बुइमा धकाः  
आज्ञा बियादिल। अले अथे हे जुल।  
चा फुनाः सुथ जुल।  
थुकथं स्वन्हु जुल।




8

अनंलि परमेश्वरं सुर्य व तिमिला अले  
सुनानं ल्याःखाय् मफय्क नगुत  
दय्कादिल। चा फुनाः सुथ जुल।  
थुकथं प्यन्हु जुल।




9

अनंलि परमेश्वरं जीवजन्तुत,  
न्या व झंगःपंक्षीत दय्कादिल।  
न्यान्हुया दिनय् वय्कलं तसकं  
तःधिपिं व मिखां न्ह्याय्मदुपिं  
चिधिकःपिं न्यात, ताहाकःगु  
तुति दुपिं अष्टिच व खुसिइ  
जुया ब्वया जुइपिं ब्वः  
दय्कादिल। परमेश्वरं पृथ्वीया  
लखय् म्हितिपिं फुक्क कथंया  
न्यात व बँय्, समुद्रय् व आकाशय्  
न्ह्याइपुक ब्वयाजुइपिं झंगःपंक्षित  
दय्कादिल। चा फुनाः सुथ जुल।  
थुकथं न्यान्हु जुल।



10

अनंलि परमेश्वरं हाकनं न्वंवानादिल। वय्कलं धयादिल,  
“पृथ्वीई जीव जन्तुत दयेमा ...” अले दक्व कथंया पशुत,  
कीत व घिस्रय जुइपिं जन्तुत सृष्टि जुल। बँ हे संकीपिं  
किसित व लखय् च्वनिपिं फुक्क कथंया जन्तुत खने दत।  
न्यासी चाया जुइपिं माकत व तःधिकःपिं गोहीत। डलंबीत  
व खराचात। तःधिकःपिं जिराफत व ग्यानापुक हालिपिं  
भउचात। अले परमेश्वरं फुक्क कथंयापिं जीव जन्तुत  
दय्कादिल। चा फुनाः सुथ जुल। थुकथं खुन्हु जुल।




11

परमेश्वरं खुन्हुया दिनय् मेगु छगू तःधंगु ज्या यानादिल - गुगु  
तसकं मदयक मगागु खः। आः फुक्क चिजत मनूया नितिं  
तयार जुल। मनूया नितिं बँय् नयेगु नशा व ग्वाहालि याइपिं  
पशुत दत। अले परमेश्वरं धयादिल-- “मनूयात झीपिं  
थें हे च्वंक व झीगु हे ख्वाःलसि  
वय्क दय्के। इमिसं पृथ्वीया फुक्क  
चिजयात अधिकार यायेमा।”  
थुकथं परमेश्वरं मनूयात  
थःगु हे ख्वाःलसि वय्क  
दय्कादिल। परमेश्वरयागु  
हे ख्वाःलसि वय्क  
वय्कलं इमित  
दय्कादिल।



12

परमेश्वरं आदमयात  
धयादिल, “छं  
बगैचाय् च्वंगु छु य  
व न। तर भिगु व  
मभिगु ज्ञान बीगु  
सिमाया फल धाःसा  
नये मते। व सिमाया  
फल नल धाःसा छ  
धात्थें हे सी।”



13

अले परमप्रभु परमेश्वरं धयादिल-- “मनूयात याकःचा  
च्वनेगु बांलाः मजू। जिं वयात ग्वाहालि याइम्ह छम्ह पासा  
दय्काबी।” परमेश्वरं आदमया न्ह्याःने फुक्क कथंया  
झंगःपंक्षित व जीव जन्तु हयादिल। आदमं  
उपिं फुक्कसिगु नां तल। वं तसकं चलाख  
जुया व ज्या यात। तर उपिं झंगःपंक्षित व  
जीव जन्तुतय्गु दथुइ आदमयात  
ल्वःम्ह धाःसा छम्ह हे मडु।



14

परमेश्वरं मनूयात छुं हे मचाय्क न्ह्यः वय्काबिल।  
अले वयागु बपि क्वय् छपु लिकयाः परमेश्वरं मिसा छम्ह  
दय्कादिल। थुकथं परमेश्वरं दय्कादीम्ह मिसा आदमया  
निंतिं तसकं ल्वःम्ह कलाः जुल।



15

परमेश्वरं खुन्हुया दिनय् फुक्क चिजत दय्कादिल।  
अनंलि परमेश्वरं न्हय्न्हुया दिंयात आशिष बियादिल  
अले वयात विप्रामया दिन यानादिल। अदनया  
बगैचाय् आदम व वया कलाः हव्वा परमेश्वरया  
आज्ञा मानय् यायां खुसि जुयाः च्वन।  
परमेश्वर इमि मालिक, फुक्क चिज जुतय्  
यानादीम्ह व इमि पासा जुयादिल।



16

परमेश्वरं फुक्क चिज दय्कादिल

मस्तय्गु निंतिं बाइबलया खँ न्ह्यव्वेया थ्व परमेश्वरया  
बचन बाइबलपाखें काःगु सत्य बाखं खः गुगु

उत्पत्ति १-२

द्यालय् लुइकेफु

“छिगु वचन थुइकाबीबलय् जिमित जः दइ।”

भजनसंग्रह ११९:१३०

17

क्वचाल



1



60

18

बाइबलया थ्व सत्य बाखं नं झी अजुचायापुम्ह परमेश्वरया बारे कनाबी  
सुनां झीतः दय्कादिल। छं वय्कःयात म्हसिमा धकाः वय्कलं इच्छा यानादी।

झीसं मभिगु ज्यात यानागु दुसा परमेश्वरं सिइका कायेफु गुकियात वय्कलं पाप  
धयादिल। पापया सजाय मृत्यु खः, तर परमेश्वरं झीतः यक्वः माया यानादिल ताकि  
झीगु पापया निंतिं क्रूसय् सीना दुःख कष्ट फयेत वय्कलं थः याकः काय् येशू  
प्रभुयात थ्व संसारय् छवयाहयादिल। हाकनं येशू प्रभु म्वानाः ज्ञायादिल अले  
स्वगय् थःगु छँ ज्ञायादिल। थौं झीसं प्रभु येशूयात विश्वास यात धाःसा झीगु पाप  
क्षमा यायेत वय्कःयाके बिन्ती यात धाःसा वय्कलं झीगु पाप क्षमा यानादी। अले  
वय्कः झीगु नुगलय् दुहांझायादी अनंलि झीपिं सदां वय्कः नापं हे च्वनाच्वनी।

छुं जुयाः छं थ्व सत्या खः धकाः विश्वास यानागु खःसा परमेश्वरयात थथे धकाः  
प्राथना याः यःम्ह प्रभु येशू, छि हे परमेश्वर खः, जिगु पापया निंतिं सीनादीत छि  
मनू जुयाः थ्व संसारय् ज्ञाल अले हाकनं स्वन्हु दय्काः म्वानाझाःगु खः धकाः जि  
विश्वास याये। दयायाना जिगु जीवनय् ज्ञायादिसं अले जिगु पापत क्षमा यानादिसं  
ताकि जि न्हगु जीवन काये फयेमा अले न्ह्याबलें छि नापं हे च्वना च्वने फयेमा।

छिगु आज्ञा मानय् यायेत व छिगु सन्तान जुइत छिगु निंतिं  
म्वायेत जितः ग्वासहालि यानादिसं। आमेन।

न्हिया न्हि थं बाइबल व्वनेगु या अले परमेश्वर नापं खलाबला या। यूहन्न ३:१६ 19